

Augsburg, 30. Oktober 1559

An Johannes Oporinus

UB Basel, Fr. Gr. I 11, fol. 231r.

Steinmann Nr. 721.

Lit.: Husner S. 154 (mit Auszug).

S. P. D. Per me et Carinum non stetit, Mi D. Oporine, quominus Gregoram vnaque subsidium primo quoque tempore acciperes. Sed quod diutius ὁ γέρων deliberat, eò minus quid velit aut nolit scire possumus, eò quidem nos redigit, ὥστε αἰνιγμα ἡμίν γίγνεσθαι τὸ πρᾶγμα. Τὰ δὲ λοιπὰ γράφειν, αἰσχύνομαί τε καὶ ἀγανάκτω. Si mihi obtemperatum initio fuisset: iam Gregoras non modo impressus, sed vltra semissem distractus esset, qui nunc ista cessatione καὶ μικρολογίᾳ planē fortassis opprimetur. Nihil enim spei mihi reliquum est. Tu si quid praeter spem meam (fortassis enim indignum me putant, cui tanta scilicet μνηστήρια communicent) acceperis, equidem tibi gratulabor. Nam mea parum ac nihil potius refert, edaturnē typis, an a muribus edatur. Vale, et caue ista ὀγκωμοσύνῃ frangat animum tuum. Inuenies alium si te hic fastidit Alexis. Augustae Vindelicorum. 3 Cal[endas] Nouembr[is] 1559.

Hiero[nymus] Wolfius  
Tuus.